



**R. P. Valerii Reginaldi Bvrgvndi Seqvani E Societ: Iesv,
Praxis Fori Poenitentialis**

Ad Directionem Confessarii, In Vsv Sacri sui muneris ...

Regnault, Valère <1543-1623>

Mogvntiæ, 1617

Cap. 1. De Sacramento Ordinis quoad se absolute,

[urn:nbn:de:hbz:466:1-78477](#)

LIBER QVINTVS, ET TOTIVS OPERIS TRIGE- SIMVS.

DE SACRAMENTO ORDINIS.

PRO O E M I V M .

ONGRVENTER instituto nostro quod est tradendi rationem iudicandi de peccatis tres tractatus instituemus: unum de ipso Sacramento Ordinis quoad se: alterum quoad illicitum sive suscipiendi sive exerceendi impedimenta peculiaria, quae irregularitatis nomine comprehenduntur: & tertium de ceteris, in quorum notitia consistit, maxima ex parte, ratio iudicandi de peccatis propriis Clericorum; ad quorum initiationem à Christo, ipsum Ordinis sacramentum est in Ecclesia institutum.

TRACTATUS I.

De Sacramento ipso Ordine.

VTHORES de Ordine tractantes suo more Henriquez refert in tomo I. Theolog. moralis initio libro 10. In iure autem Canonico de eo agitur dist. 23. & aliquot sequentibus: ac in nonnullis titulis Decretalium: ut in tit. De aetate & qualitate ordinandorum & in it. De temporibus ordinationum. Considerabimus autem primo ipsum absolute, secundo materiam ipsius, tertio formam, quartu effectum, quinto ministerium, sexto suscipientes, septimo obligationes circa ipsum contingentes, octavo coagmentationem status Ecclesiastici, ex initia- tis ipso sacramento Ordinis.

CAPUT I.

De Sacramento Ordinis quoad se absolute.

SUMMARIUM.

- 1 Nom n& definitio Sacramenti Ordinis.
- 2 Differentia Sacramenti Ordinis à ceteris Sacramentis noua legis.
- 3 Instituio & unitas Sacramenti Ordinis.
- 4 Septem ordines ex quibus Sacramentum Ordinis coagmentatur.
- 5 Clericatus non est Ordo; nec Episcopatus Ordo distinctus ab Ordine sacerdotali.
- 6 Diversus modus quo ratiō sacramenti ineſt in sacerdotali, & in alijs ordinibus: qui non impedit quin hi sint v. re sacramenta.

DE Sacramento Ordinis quoad se absolute, declaranda occurunt nomen, natura, institutio, unitas, & diversitas Ordinum, ex quibus ipsum coagmentatur.

Quod igitur ad nomen attinet: sicut sacramentum Confirmationis nominatum est à suo effectu confirmandi, seu corroborandi animum per gratiam quam producit: ita istud dictum est Sacramentum Ordinis, à suo item effectu constitutum quodam gradu, ordineque certe Ecclesiastica dignitatis, per potestatem quae acquiritur illius susceptio- ne, prout in cap. 4. dicetur.

Quod vero attinet ad naturam: sufficienter declaratur

definitione tradita à Soto in 4. distinct. 24. que fl. 1. artic. 1. non longe ab initio: ut sit sacramentum noua legis, quo potestas spiritualis significatur & traditur, in ordine ad sacro-sanctum corpus Christi consecrandum. Pro genere dicitur, *Sacramentum noua legis*: quia id illi commune esse cum sex reliquis sacramentis, certum est de fide ex Concilio Florent. in instruct. Armen. & ex Trident. scil. 7. can. 1. & scil. 23. in cuius cap. 3. verba hæc habentur. Cum Scriptura testimonio, A postolica traditione, & Patrum vnanimi con-sensu perspicuum sit, per se, in ordinationem, quæ verbis & signis exterioribus perficitur, gratiam conferri: dubitare nemo debet, Ordinem esse vere & proprie vnum ex septem sanctæ Ecclesiæ sacramentis. De qua re aduersus nostri temporis sectarios videri potest Bellarm. tomo 2. controvers. lib. vnius, de hoc eodem sacramento per aliquot prima capita.

Quæ vero sequuntur, ostendunt differentiam illius à ceteris, consistentem in significatione, & collatione potestatis ministerij alius cuius Ecclesiastici: eo sp. tantis ut rice ac reneweret sacramentum corporis & sanguinis Christi celebre-tur. Seu potestatis qua ex diuina institutione constituantur in Ecclesia ministri doctrina Euangelica, & sacramentorum imprimis autem Eucharistia, ut quæ est sacramentorum: omnium dignissimum. Usq; quibus ministris ait D. Paulus prior ad Corinth. cap. 4. Sic nos existimet homo ut ministros Christi, & dispensatores mysteriorum Dei.] & in posteriore cap. 3. Idoneos nos sunt ministros noui Testamenti: non litera, sed spiritu.]

Atque ex eadem differentia alia sequitur, qua sacramen-tum hoc distinguitur à quinque precedentibus. Illa enim ad propriam sufficientem perfectionem imprimis spectant, ut perspicxi potest ex vniuersalique effectu superius pro-polito sui locis: hoc vero, institutum præcipue ad diuini verbi & sacramentorum ministerium rite ac legitime obeyendum, ordinatur imprimis ad aliorum salutem: nempe (iuxta illud in prioris ad Corinth. cap. 4. In Christo Iesu per Euangelium ego vos genui) ut Deo spiritales filii quasi generentur, & alani-tur, conferuenturque: perinde ac sacramentum matrimoniij non ad propriam conjugum perfectionem institu-um est propriæ ac primario; sed ut filii legitime procreen-tur, sancque educentur; qui sint tanquam seminarium quoddam fidelium, ex quibus Ecclesia, coalefcere posse, ac durare perpetuo. Verum non ideo ordinis & matrimoniij sacramenta nihil profunt suscipientibus immo pro-sunt maxime ex consequenti: nempe quatenus ad finē pro-creationis,

creationis, & educationis filiorum spiritualium, aut carnalium pro Ecclesia propagatione, per illa istud sufficiensibus cōfertur uberrima gratia sanctificans animas ipsorum, non minus, quam per alia sacramenta.

Quod attinet ad institutionē sacramentum hoc institutū fuit à Christo Domino nostro in ultima Cena, verbis illis apud D. Lucam. cap. 22. Hoc facite in meam commemorationem. Jvt pater ex eo, quod Ecclesia Catholica semper intellexerit & docuerit eundem Dominum per illa, Apostolos suos instituisse noui Testamenti Sacerdotes, eisdemque & ipsorum in sacerdotio successoribus principis, ut corpus suum & sanguinem sub specie panis & vini offerrent: quemadmodum habetur in Concil. Trid. siff. 22. 1. anathematique in eadem siff. can. 2. subiicitur, qui contradixerit.

Quod attinet ad unitatem: talis huic sacramento coenit, vt nequeat iterato suscipi ab eadem persona: quod ei commune est cum Baptismo & Confirmatione: sicut & imprimere characterem indeleibilem ex Concil. Florent. in instruct. Armenorum, & ex Trident. siff. 7. De sacram. in genere can. 9. Vnde sequitur id, quod habet idem Concil. siff. 23. cap. 4. & can. 4. rite ordinatum, non posse potestate accepti ordinis priuari. Conuenit quoque eidem sacramento illa unitas, per quam vere & proprie vnum est ex septem sanctis Ecclesiæ sacramentis: iuxta idem Concil. Trident. siff. 7. cap. 1. De sacram. in genere, & siff. 23. cap. 3. Etsi enim plures ponantur ordinationes, ipsum tamen vnum est, quia omnes referuntur ad vnum finem proximum: dignam scilicet sacrificij Eucharistie celebrationem: perinde ac vtraque eiusdem Eucharistie species, est vnum sacramentum, quia ordinatur ad eundem finem proximum qui est significandi perfectam animæ refectionem.

De diuersis Ordinibus ex quibus hœc sacramentum coagumentatur.

Quod attinet ad diuersitatem Ordinum ex quibus istud sacramentum coagumentatur: communiter ad Doctribus (quorum plures tam antiquiores, quam recentiores Henriquez refert in citato lib. 10. ad initium 2. capituli) iij numerantur septem. Primus est Presbyteri, 2. Diaconi, 3. Subdiaconi, 4. Acolyti, 5. Exorcistæ, 6. Lectoris, & 7. Ostiarij: hiq; quatuor posteriores dicuntur minores Ordines: & tres illi priores dicuntur maiores, quos in Encr. cap. 22. num. 18. Narratur sacros etiam dici monet; non quod ceteri non sint sacri, sed quod ipsi maiores habeant annexum votum castitatis, ex Ecclesiæ statuto, per cap. Nullum & cap. Decernimus, diffinit. 28. Ita ut ipse subiipiens consecret se Deo, emitendo tacitum votum continentiae: per quod fit ad matrimonium inhabilis, ex cap. vniuers. De voto n. 6. & ex can. 9. Concilij Trident. siff. 24. cum aliis ibid. in marg. citatis.

Non defunt tamen authores (quorum meminit Henriquez ad idem cap. 2 §. 3. lit. V.) qui ad instar nouem Ordinum Angelorum distinguant nouem istiusmodi ordines: addentes supradictis primam tonsuram & Episcopatum: quia inititus prima tonsura habet ex Ecclesiæ instituto, & priuilegio, inter Clericos gradum quendam: secundum quem capax est iuri dictio Ecclesiastico, & beneficiorum quo laici carent. Episcopatus vero diuino iure obtinet gradum per quæ Episcopus dignitate & potestate, ceteris etiā Presbyteris, in Christi Ecclesiæ præminent secundum communem Catholicorum sententiam, quam aduersus haereticos proponnat Gregorius à Valen. om. 4. ad D. Thomam, disput. nonna q. sif. 1. puncto 2. Sed quamvis hæc ita sint: nihilominus si propriæ loquuntur de Ordine prout scilicet traditur in eo potestas ad officium peculiare quod referatur ad Eucharistie celebrationem prima tonsura non est talis ordo, quia tonsuratus nullum officium habet circa altaris ministerium & feruunt: vnde potest quidem ad Ordines deputatus dici: non tam ordinatus. Episcopatus vero non est Ordo alias à sacerdotiis: quia etiam si Episcopus à Presbytero distinguatur tanquam dignitate & potestate superior: non constituit tamen nouum Ordinem, nam quantum ad Missa sacrificium veterque exhibet idem ministerium: neque maior illa dignitas & potestas pertinet ad ipsum sacrificium: cum non faciat ut Episcopus aliquid amplius exhibeat in ministerio altaris

quam Presbyter. adeo ut vtriusque idem sit Ordo, sicut est idem ministerium: perinde ac Lectoris & Cantoris, seu Psalmistæ, idem quoque Ordo est, eo quod sit idem officium vtriusque: quandoquidem nihil refert vrum canendo, vel simpliciter proferendo dicat quis ea quæ in Ecclesia dicit debent. Ita ex communi sententia Authoribus in margine suo more citatis Henricus habet in memorato lib. 2. cap. 2. §. 1. & cap. 7. §. 2.

Neque vero obstat, quod ordinatione Sacerdotis in Episcopum, cum particulari gratia conferatur noua potestas sacramentalis ad ministrandi ex officio, tum hoc ipsum sacramentum Ordinis, tum etiam Confirmationem. Nam in Sacerdotis quoque ordinatione, ad gratiam & potestam sacramentalem conficiendi Eucharistie sacramentum, que dicitur potestas super corpus Christi verum, additur alia: quod dicitur potestas super corpus Christi mysticum, administrandi fidelibus sacramentum Poenitentiae (de qua re in sequentibus) nec tamen propterea duo diuersi sacerdotales Ordines dicuntur esse: nec dicitur duo sacerdotales characteres tunc imprimi: sed impressum per priorem collationem, solum magis perfici, extendique per posteriorem collationem. Quod paratione dici posse, cum Sacerdos ordinatur Episcopus, notat locis citatis Henricus nempe non addi illi nouum characterem, sed potius ei iam impressum perfici, ac extendi facta accessione tertie potestatis ad eas duas, quas ante ordinationem suam habuit tanquam Sacerdos.

Porro si aliqualijs Ordines, quam septem memorati potest inueniantur, vel ad eosdem facile reuocantur, vel non dicuntur Ordines proprii, sed generaliter eo scilicet modo quo Ordines dicuntur illorum, qui quodcumque dedicantur diuinis obsequiis, etiamq; ad altaris sacrificium non delincent, vt Monachi, virgines & viduae Deo dicatae, & laborantes in sepeliendis defunctis quos Ordines à sanctis Patribus dici notat Bellarmine in tomo 1. controveſ. libro primo De Clericis cap. 11.

Adverte autem ex supplem. 3. partis D. Thomæ quarti, 5. art. 5. in ordine Sacerdotis contineri omnes inferiores Ordines eminenter: sicut in anima rationali continentur gradus vegetatiuus & sensitivus: totamq; huic Sacramenti plenitudinem (que madmodum additur in sequenti quarto. 37. art. 1. ad 2.) esse in uno Sacerdotali Ordine, in ceteris autem esse secundum qualiter participationem, seu in Ordine ad ipsum sacerdotalem, cui subseruant Id quod declaratur exemplo corum qui adiuncti sunt Moyssi, de quibus Numerorum 11. Auferam de spiritu tuo & tradam eis, vt sufficiant tecum onus populi. Id tamen non impedit (per traditam Bellarmine in tomo 2. controveſ. libro de Ordine cap. 6. 7. & 8. & à Gregor. à Valen. disput. nonna quarto. 1. puncto 4.) quin ipsi inferiores Ordines possint tanquam vere sacramenta, conferregant & spiritali potestate, charactere indelebiliter in anima impresso, pro conditione huius Sacramenti (cuius proinde rationem participant) vt argumento est quod iterari non possint. Ideo enim si illis initiatius ad laicalem statum deficit, & mutata postea voluntate velit ad maiores Ordines promoueri, non conferuntur ei denuo minores ipsi Ordines.

CAPUT II.

De materia sacramenti Ordinis.

S V M M A R I U M.

- 7 Singulorum Ordinum materia propriæ.
- 8 Contactus moralis eiusdem in materia, potest ad Ordini sacramentum sufficere.
- 9 Quando & qualiter fieri debeat contactus ad hoc sacramentum necessarius.
- 10 De dubio, An imposticio manuum Episcopi sit de essentia sacramenti Ordinis.

DE hac materia sic habet Concil. Florentinum loco cito Sextum sacramentum est Ordinis: cuius materia est illud, per cuius traditionem confertur Ordo: sicut Presbyteratus traditur per calicis cum vino, & patenæ cum pane porrectio-

REGI
PRAY
DORI
E V